

3514

Bosna i Hercegovina
Federacija Bosne i Hercegovine
KANTON SARAJEVO
Ministarstvo prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство просторног
уређења, грађења и заштите околиша

4207
PS 219

Bosnia and Herzegovina
Federation of Bosnia and Herzegovina

CANTON SARAJEVO
**Ministry of Physical Planning Construction and
Environmental Protection**

Broj:05-05-41335-103/19 ZJ
Sarajevo,24.12.2019.godine

SKUPŠTINA KANTONA SARAJEVO
n/r Elmedin Konaković, predsjedavajući
- ovdje -

PREDMET: Odgovor na zastupničko pitanje zastupnika Harisa Plehe

Zastupnik Haris Pleho na 15. radnoj sjednici Skupštine Kantona Sarajevo, održanoj dana 19.11.2019.godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 211. i 214. Poslovnika Skupštine Kantona Sarajevo, postavio je zastupničko pitanje:

- Molim Ministarstvo prostornog uređenja, građenja i zaštite okoliša da me obavijesti da li operatori u skladu sa članom 34. Odluke o zaštiti i poboljšanju kvaliteta zraka u Kantonu Sarajevo (Službene novine KS 23/16) organizuju provjeru emisije, te o tome obavještavaju Ministarstvo.
- Da li to čine i operatori pogona i postrojenja iz federalne nadležnosti za izdavanje okolinskih dozvola po zahtjevu Ministarstva?
- Da li je uspostavljen registar pogona za sagorijevanje kotlovnica? Kako je moguće doći do podataka iz registra?

ODGOVOR:

Ministarstvo prostornog uređenja, građenja i zaštite okoliša u saradnji sa Zavodom za informatiku i statistiku Kantona Sarajevo je, shodno Pravilniku o monitoringu emisije zagađujućih materija u zrak (“Službene novine Federacije BiH” br. 9/14 i 97/17) uspostavilo Registar emisija iz pogona za sagorijevanje na području Kantona Sarajevo.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



U tom smislu, obveznici provjere emisije su dužni da obezbijede godišnje mjerenje emisije putem laboratorije koja mora posjedovati akreditaciju izdatu od Instituta za akreditiranje BiH, tj. da je akreditirana prema zahtjevima standarda BAS EN ISO/IEC 17025 za oblast "Zrak – emisije iz stacionarnih izvora".

Članom 19. Odluke o zaštiti i poboljšanju kvaliteta zraka ("Službene novine Kantona Sarajevo" broj 23/16) je utvrđeno da se monitoring emisije, u smislu Odluke, odnosi na postrojenja za sagorijevanje snage 50 kW i preko 50 kW, izuzev kućnih izvora emisije.

Nakon dostavljanja Ministarstvu Izvještaja o mjeranju emisije na propisanom Obrascu, isti se prosljeđuje Zavodu za informatiku i statistiku Kantona, koji unosi podatke u Registar. Istovremeno se vrši i analiza dostavljenih podataka i u slučaju evidentiranja prekograničnih emisija, priprema se izvještaj i šalje uz zahtjev Kantonalnoj inspekciji zaštite okoliša na nadležno postupanje. Kantonalna inspekcija nadležna za okoliš prati i izvršavanje obaveze dostavljanja Izvještaja o mjeranju emisija od strane operatora. U slučaju prekomjernih emisija operatoru se nalažu mjere koje uključuju servisiranje, zamjenu kotlova, održavanje, kontrolu energenta i sl. Prethodnih godina je po ovom osnovu naloženo više mjera, koje su rezultirale smanjenjem emisija. U zadnje vrijeme su konstatovane nelogičnosti u rezultatima mjerenja, kako na federalnom tako i na kantonalnom nivou, pa su u okviru novog Zakona o zaštiti zraka F BiH predviđeni zaštitni i kontrolni mehanizmi, kako bi se ove situacije prevenirale.

Što se tiče pogona iz federalne nadležnosti, u više navrata je traženo od Ministarstva okoliša i turizma F BiH da se obaveza iz Kantonalne odluke unosi u okolinske dozvole, međutim bez uspjeha. Jedan dio operatora pogona i postrojenja iz federalne nadležnosti, poput Bosnalijeka, Bags Energotehnike, dostavlja redovno Ministarstvu izvještaje, dok drugi to ne čine. Iz tog razloga se obraćamo periodično Federalnoj inspekciji, da kontroliše pogone i postrojenja kojima je Federalno ministarstvo okoliša i turizma izdalo okolinske dozvole. Zadnje obraćanje je bilo početkom decembra mjeseca tekuće godine, prilikom čega smo posebno insistirali na nadzoru industrijskih pogona u Ilijašu, gdje su zabilježene velike koncentracije i često dolazi do pogoršanja kvaliteta zraka. Odgovor o postupanju još nije dobijen.

Kada je u pitanju pristup podacima iz Registra, napominjemo da se radi o informatičkoj bazi, sa velikim brojem podataka i uvid se može kontinuirano izvršiti u Ministarstvu, a mogu se zatražiti i podaci za pojedine pogone i postrojenja.



Dostaviti:

- Naslovu
- Stručna služba Vlade (na znanje)
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1

